

摘藻堂四庫全書薈要

集部

欽定四庫全書薈要

集部

待制集卷五

六

詳校官助教臣謝登雋



欽定四庫全書薈要卷一萬六千四百三十六

集部

待制集卷五

元 柳貫 撰

律詩

七言

奉同伯庸應奉韻送伯生博士行祠西嶽因入蜀
望祭江源二首

旌旗前隊一星低
燎玉熏薌嶽色齊
石戴殘雲開便面
棧懸斜日落障泥
曾聞秘祝藏金虎
復道祠臣致碧鷄

聖代新儀將考貢崑河只在大荒西

其二

馬首西南太白開祠庭佳氣拂崔嵬河邊織女機絲出
霧裏仙人翠蓋來鳥道山盤燒後棧龍池塹黑劫前灰
少城萬里層雲色遙送清秋使節回

次韻伯庸無題四首

貝葉東來不隔江青瑤刻作寶華幢龍翰別致三千匹
翠羽生翰四十雙天上神閒雷下斧人間客醉月縈窓

松南半截雲虹色宜著韓家小石淙

其二

珠斗闌干動夜光霏霏神雨酒痕香故時徒服多為赭
今日祠衣獨尚黃梁苑且延能賦客漢廷安用戲車郎
琴中莫置拘幽恨聖德宣昭到越裳

其三

欲覓麻姑看海潮徑從織女問河橋著莖宿露龜方息
竹實垂雲鳳已遙白璧何資三寸舌黃金偏戀十圍腰

新來代地聞歌曲盡擲秦聲入管簫

其四

黃鵠將騫兩翅垂跂行幾許似蛇醫栖遲社首修封日
太息甘泉獻賦時風籟蕭蕭聽漸起星弧歷歷看初移
塵埃渴肺今年甚絕想仙盤露一卮

送李士弘侍讀攝祠王屋

河山肺腑樹靈峰泰一高居象帝容蒼玉登壇親藻藉
黃金塗檢盛函封林光忽與升烟合雲氣初承委珮重

歸格神休奉明主恩流偏覺侍臣濃

觀錫喇鄂爾多御宴回

毳幕承空挂繡楣綵繩亘地掣文霓辰旂忽動祠光下
甲帳徐開殿影齊芍藥名花團簇坐蒲萄法酒拆封泥
御前賜酺千官醉恩覺中天雨露低

車駕駐蹕命賜近臣
咱馬妳子御筵

設壇殿錫喇鄂爾多深廣可容
數千人北京五月芍藥始花

還次桓州

寒雨初乾草未霜穹廬秋色滿沙場割鮮俎上薦黃鼠

金史卷之二十一
卷五
獻獲鞍間懸白狼別部烏桓知幾族他山稽落是何方
長雲西北天如水想見旌旗瀚海光

八月三日大駕北巡將校獵于賽音布拉克詔免
漢官扈從南旋有期喜而成詠

天子龍飛啓聖時乾坤闔闢載清夷幸從在鎬承周宴
重喜臨邊舉漢儀御宿常時嚴虎衛吉行唯日望鸞旗
詔恩許免陪驂乘卻愧長楊賦未奇

次韻吳閒閒真人詠梅

宮堯珠闕鳳池濱梁背苔龍此樹身花下亦逢修月戶
林中別有主雲神么禽寂寂時窺夢古雪離離未放春
誰識西湖香影外綠華承萼供仙人

送田時佐僉事赴河南

銀鞍驄馬走跋跋南發都亭已向晨勝日未忘山水役
清風先掃簿書塵金堤舊築毋多費木鐸新詩罄一陳
須副明時求士意市中莫有鼓刀人

次伯長待制韻送王繼學修撰馬伯庸應奉扈從

上京二首

伏前桐酒進瓊脂翠絡金鉤向馬垂
少宰氊廬初張事
從官魚笏正書思
三辰上應旂
斡象六樂中陳鼓
吹詞
供奉逍遙承御宿
故應燕許擅同時

其二

山圍黑谷翠漫漫
獨許詞臣息馬看
蹕道雲開朝采正
蹕林風定雪華乾
賦成特賜麒麟罽
宴出初擎瑪瑙盤
歲歲八州人望幸
鉤陳旗尾認朱竿

送道士祝丹陽祠武當山

雙童白鶴導鋒車上到天池
楚望舒崇祀第從方士法
寶慈元有道家書山形鼎
屬知函負劍氣崢嶸應喻
上帝居歆親錫羨歸來猶及薦釐初

送趙虛一法師行祀南海南鎮因還括提點仙都
觀

泱泱東風淡海波青山無似越中多
碧雞使者年年出
黃鶴仙人處處過
丹齊時開陳地寶祠光夜發亘天河

軒轅故鼎曾孫守不負淮南桂樹歌

左衛麻經歷持命書歸省先墓

朔吹蕭蕭動顥蓬燕南歸夢繹山重賢勞屢最鷹揚府
賁澤纔霑馬鬣封今日門功方論世古來墓制合明宗
待君建幕收奇績樂石銘詩併象容

宗人湯佐由內宰出為懷孟總管賦贈識別

吾宗門戶並崔盧漂轉深慙緒業餘羣從喜開朝士籍
一麾旋擁使君車枌榆置社今豐沛耕稼同風古比閭

長日鈴齋詩有興客來醒酒得冰魚

送馮士企經歷赴淮東廉訪幕

參軍故事有髯卿玉雪襟懷直許清可使民言干吏議
儘將幕畫寄臺評珍鮭日喜供殮具蜜酒時應釀秫成
芍藥瓊花春次第揚州風物總詩情

鄭公輔下第後為京邑教諭滿歸冠氏

珠在深淵玉在山文章光氣逼人寒司徒自昔皆升士
學究于今祗備官正有何門堪跼蹐忽聞此客已彈冠

重來知與春風約花發城南走馬看

太子受冊禮成赴西內朝賀退歸書事

樂舞克庭見象劄重瞳日月麗璇霄雙龍承檢纔升冊
九虎開闕恰御朝內殿皆陳朱鬣馬左璫新換紫金貂
青袍最困微班忝親向前星挹斗杓

符安理襲爵為鎮守杭州真定翼千戶安理讀書
知大義嘗欲起應進士舉已乃不就

將軍英妙及華年健馬新粧七寶鞭醺士豈無狸首節

傳家故有穀城編棘門日晏猶嚴警射圃時清不廢弦
二月湖山春正美雅歌喚取酒如泉

午日雪後行錫巴爾圖道中有懷同館諸公

尖峰猶是漠南山駝褐蕭蕭午日寒艾葉謾將頭上插
榴花應許夢中看馬前沙雪行初隱鵬背荒雲落更盤
王事獨賢我敢憚重煩同館勸加餐

漫題齋壁

牧馬新來秣地椒街頭酒玉傾瓢羲和白日經天近

敕勒陰山度幕遙雨過忽然思御袂風清聊復快凌歊
他年續作灤陽夢萬里排雲遡沅寥

鄉友立夫以治春秋舉禮部進士不中第賦二詩
別余南還次韻答贈

長安花好合來遊眼底高風一鶚秋顧以微瑕傷白玉
終然褻味愧黃流狂歌賴有千鍾酒通蓋今無萬丈裘
同憶雲泉不同夢空將兩耳與心謀

其二

芳草連天鴈到稀
京華春盡杏花微
新知落落長門賦
故意悠悠白紵衣
兵法孤軍嘗小挫
聖經一字有公非
文章銳發如朝氣
慎向尼山覓要歸

河南北水後民往往告饑
胡安常以工部主事實
被選為其省員外郎
賦贈識別

千里河堤蟻穴空
新來魚鱉總兒童
外廷亦用調元手
化地何殊宰物功
柱後法冠行動色
幕中鴻筆看生風
過家急奉高堂酒
一日民恫百歲同

金史口占卷之二
送張靖明真人得請南還天台

翩翩霞佩挾飛仙
桂館靈風尚肅然
石室樵人同夢日
金門羽客賜歸年
新開洞穴收丹鏃
更買湖亭放酒船
翠湧天台三萬丈
題詩須用碧瑤鐫

送道士何大方歸龍虎山大方能醫

玉露金風桂館遊
江南還問木蘭舟
路逢道士呼元放
市有山人號伯休
仙佩凌空聲窸窣
神丹開室氣浮浮
成書想在青囊底
乞我玄霜點白頭

遷博士後作并序

貫忝被誤恩稍進官序仰承今遇復愴曩懷輒
依短韻以寄永言亦識山林賤士猶不為明時
棄物也

在祿于今五十年遷官纔得舊青氍前生羊祜徒多感
後世揚雄敢自賢已已經畬甘瓠落紛紛胄姓正蟬聯
天光飾物無纖鉅頗覺恩承雨露偏

送國子伴讀李顥還省潞州

六館誦誦胄子趨窮年媚學競居諸來歌幸及聲明際
予告方當定省初易水風高鞭力勁壺闕雲白眼光舒
河東吾土鄉情重雅欲同還訪里閭

新製太常鹵簿成正月九日天子始駕玉路朝饗
太廟共覩盛儀喜而有賦

端門初啓蹕聲齊五使中行八寶隨大輅戒嚴催引伏
淑旂分道聽鳴麾參差繡袷迎陽動蹀躞金珂宰地垂
宗祀光輝承孝饗思成還欲詠周詩

送王正臣經歷赴浙東

仙掌浮空紫翠重，金華秀出剡河東。
繡衣幕府雲霄上，丹筆刑書雨露中。
溪釀獨稱雙醞美，津船纔許一帆通。
送君因寄思鄉夢，為問青山舊桂叢。

陳存道由奉常掾出為廣州教授

曲臺從事氣如霞，禮樂圖書腹五車。
燕北離筵當菊蕊，嶠南行色為梅花。
揚帆直下將觀海，攬轡徐驅且過家。
雖則磬襄千載後，遺音却恐在荒遐。

送楊君祥赴定海稅官因思舊遊

麾手黃塵一解頤
翩翩行色有光輝
豚魚稅足初成筭
鷗鷺心閒已息機
山翠入簾消宿酒
海氛吹雨落秋衣
舊遊更在雲濤外
獨倚西風送鴈飛

送播州楊宣慰還鎮

播南裔土亦分茅
四海祥風共一陶
萬舞在廷隆宴饗
景鐘著代表勲勞
星文下與龜旂直
山色遙連虎節高
今日九州承慎德
不將異物貴奇獒

送葉道士歸天台

北斗光中曳翠旗
五城樓觀極巍巍
采山不度黃金鼎
佩印空垂白羽衣
石井劍花飛夜氣
玉田芝草艷春暉
天台仙子應招隱
萬壑梯飈看鶴歸

送宋誠甫修譔押送安南貢吏赴鄂省交割

楚山迎傳日西馳
炳炳魁芒斗下垂
周制陪臣通執奠
秦宮典客重修辭
同文自昔尊諸夏
守道于今在四夷
黃鶴樓中張宴罷
借君彤筆發英奇

讀漢史二首

將軍含笑入重泉自媿功高許史前
家禍遂萌參乘日國恩猶在罷兵年
減羔論定謀初泄獻馬書陳事已先
爭道兩奴非釁隙人言熒惑畫當天

其二

世微趙禹孰同倫律議紛紛踵故秦
天下利源知幾孔上前心計竊多陳
峻文強傳春秋學忌意專攻禁閹臣
大抵法家無後福漢朝天子重經綸

寄贈吳彥輝

夢想人間玉樹柯
梁園修竹竟如何
過車欲問夷門隱
把劍還為易水歌
寶瑟雞絃聽入撥
文綃鮫室看飛梭
薦賢甚負吾徒恥
相國于今重禮羅

元日朝回書事

九賓陳伏建朱干
六譯傳聲贊白環
法部清商初按樂
宮闈重翟已趨班
雪華遙映龍旂動
日色纔臨鳳蓋閒
萬歲玉杯誰刻字
忽聞送喜入天顏

送陳仲剛歸鄱陽卻赴武昌謁選

黃塵如海漲天衢好在歸來一束書
振柁纔看彭蠡近食魚真愛武昌居
莫因蘭葉思紉佩想對梅花夢直廬
治世有音當合雅勞歌母蹈楚聲餘

送唐可升法師奉香祠武當山

黃帕封香御手題熒光一道紫雲隨
神山額額千靈會天子明明萬壽宜
金馬碧鷄春動彩鉤陳玄武暮張旗
甘泉畫法元非誕太乙祠方固自奇

次韻伯庸待制上京寓直書事四首因以為寄

舉頭涼影動明河
問信仙人八月槎
斗下孤光懸太白
雲間長御挾纖阿
霓裳催按新聲遍
鳳藻需承曲宴多
一代詞華歸篆刻
龍文還欲映琬戈

其二

松翠新裁似鶴翎
手中雲影落深青
宮花忽動紅千帳
禁柳齊分綠半檣
金掌擎秋調玉屑
銅渾窺夜約銀釘
不知太史朝來奏
東壁光聯第幾星

其三

烏桓落日稍沈西南極青山女堞低馬谷夏泉經雨漲
龍堆秋草拂雲齊一函祠檢將升玉萬里九封不用泥
瀑直夜涼談往事乘車猶欲避雞栖

其四

杯面春風灑灑波醉來難覓百東坡寧無天上支機石
信有人間采玉河霜驛舊圖開党項雪毫新興寫伽陀
聚星更比荀陳盛月照金鑾夜若何

李侍讀子巖夫為四川行省譯史

鑿坡詞伯列仙卿玉樹名郎上幕英九譯同民先導喻
六書垂世用諧聲極知愛日心情切更覺培風羽翼輕
相國臨邊似嚴武時平重喜雪山清

離京北至新店十二月十八日

少嘗美筆涉詩騷豈有長途汗馬勞病骨祇知南日美
窮年今與北風鏖寒暄掛樹駸駸短朔氣浮空往往高
蹄轂去來成老嬾山林為謝解吾嘲

任城馬氏瑩歷唐宋金數百年松檟茂鬱由子孫
世世有人也予聞而感之為賦此章繫曹子貞先
生記文後

馬服君家百世支城陽高塚尚巍巍眼明喜見初連象
心惻如逃即墨圍霜降露濡增感慨水原本本繫瞻依
嘗聞珠玉驪山出地下何曾發弩機

送鄉僧偉師南還

析木光中佛耀開丹樓碧閣映崔嵬空聞白馬馱經去

幾見黃龍聽法來
笠影翩翩翻雲作
蓋錫痕依約浪生苔
歸山說似京華夢
親到幽州禮塔回

送國子伴讀朱禮悌歸盱江省親

京洛塵埃眯目黃
遲歸留得舊縫裳
升歌不在諸侯席
挾策猶從胄子行
實內么荷秋尚小
庭前諼草日初長
文章本是飛騰具
鵬翮乘風看怒張

伯庸少卿在上京有詩貽經筵諸公書來錄以見
示次韻繼作俟南還奉呈

隱隱蒼龍闕角西星辰次舍宿金奎期門上日排熊武
尚食新秋薦犢麋王德體元觀太始坤珍乘運戒先迷
欲知聖學成仁大魚在深淵鳥在栖

十月五日冬饗禮成書事

萬舞洋洋在廣庭星文動影貫珠繩頌聲有日賡長發
祀典初冬舉大烝黍臯正宜圭鬯合蕭光還與燎烟升
物成備饗仁心切况復新霜露已凝

送周尊師還吳中

竹宮旗采動微雲
暎陞風回廣樂聞
天上信星初報貺
山中逋客已移文
松肪歷歲成膏魄
芝掌迎春變炙薰
太乙蓬萊如可遇
為開神鼎問元君

京城閔旱迺四月朔甘雨應祈次古愚韻

嶽主河宗舉大祠
雲膚雨脚見來時
龍雩應節乾陽用
天畢從陰解澤垂
報貺泰壇封玉鬯
慶豐歌館擲金龜
眼明盛治開新象
因頌成言不敢卮

蘇郎中挽歌詞

大漠陰山斥堠通濟時深欲仗英雄邊庭數粟知軍實
幙府呈書上國功萬里賜環行遂遂一丘埋玉恨匆匆
儒林有子能昭績六尺桓碑載事豐

八月廿四日上北幸回鑾次止撫州校獵獲禽物
盈且多爰以珍毳馳饗太廟勅命近臣攝行其事
禮臚烝祠迺九月三日御香至都八日昭薦明祀
百辟駿奔陟降有恪貫時實與監禮輒賦紀詠

羽獵初成獻獲時緘辭唯遣近臣知大田本意克乾豆

備物誠宜饗類祠切切羹牆如實見昭昭位著有餘思
禮由義起文謨正鴻筆真將百代垂

過宿長蘆書所感

縣官煮海非籠利使者行河在用經今日有人司莞權
嚮來無策濟承寧舟檣矗矗雲為斷鞭血淋淋地亦腥
午夜商歌驚客夢琵琶彈徹喚誰聽

舟中睡起

影入船窓隙日升霜禽驚夢卻青綾一官朝右寧非客

十月漳濱幸未冰江驛比來無鴈帛水鄉隨處有魚罾
食貧龜勉縈微祿消得山靈笑負丞

登徐州城上黃樓北望河流作

高樓背水壓奔衝影動雲虹落水中土色從黃宜制勝
河聲觸險聽分洪卻思沈璧千年日欲問乘槎八月風
汴泗交流平似席南行北播本同功

雪中渡淮

水入長淮浦溱分艣前坼岸覺奔沄灑蓬雨歇纔聞雪

吹帽風來不見雲何處能忘丹鳳闕此身將混白鷗羣
有人問我蠙珠顆直遡寒光到海濱

曉次揚州阻風不得渡江訪傅子玄留飲迨暮明
日小至

揚州城邑曙烟中一幅征帆趁落鴻地拆江傾將至海
日南景夕故多風歸期漸與寒梅近生意纔看茂草同
輸寫交情添耳熱醉鄉誰謂酒無功

曉望金山

六鰲連背負青山直下中濡水一環包絡乾坤成地險
吐吞雲雨出天慳浮幢影入龍淵底若木光騰蜃氣間
晚歲相依香火社從教黃鶴載詩還

鎮江逢袁子方明府

京國同遊兩毳袍歲闌歸路各維艖淒風催合南河凍
寒色看成朔野高紫蟹著糟新點茱黃魚剝鮓滿流膏
丹陽物品渾宜酒試遣霜威敵醉豪

送管文秀赴辟南臺

京華初見各塵土江市重逢又簡書今日掄材先幕府
古來薦士右軍車器當盤錯方知利志在澄清未覺疎
神草尚應能指佞豈將簪筆愧權輿

送董侍御由江右赴南臺

勛閥聲華照汗青繡衣霄漢玉亭亭
熒光下合豐城劍紫氣中懸執法星
絕嶺松筠觀節操當堦蘭茝讓芳馨
離杯滿引東湖水世上誰曾忌獨醒

送萬里貢補行臺

百尺崇臺看鳳儀
筆鋒真似脫囊錐
春秋議法初無害
旬歲為郎亦未遲
章浦留雲期弭節
鍾山乘月索題詩
客間纔見還輕別
思與檣鳥上下隨

閱進士卷賦呈同院諸公

五緯明明一鑑昏
斯文吾已愧專門
直教漢法稱無害
猶恐秦人議少恩
審樂豈能遺律呂
採芳終擬得蘭蓀
胷中故有青藜焰
夢裏從渠墨水渾

與晉卿夜坐道舊因書贈別

去歲離京秋葉黃客間看客又新霜澄江不擬游雲影
寒月空驚過雁行文苑即今誰醞藉宦途何許是康莊
紅顏青鬢非前日却愧人稱兩鬢鬢

過鐵峰書室觀其所得宋咸淳中大宗正訓名牒
上有福園署押感而為賦

姬姜顙頤況同盟屬籍淒涼舊訓名寶玦懸腰非少日
金環探樹是前生分無藜杖過天祿尚有花書記冢卿
未必後來能識此祇教人說漢西京

吳玄德真人出祠閣皂山常大舉參政實奉命從
往玄德有詩次韻通呈二公

極中景福大如川臣子靈承志赫然祭澤尋常先及物
威顏咫尺不違天即今漢樂多崇祀若昔殷家有歷年
歸美象成嚴報上頒辭忙付玉人鐫

立春日陪左平章飲散懷舊偶題

江上迎春春日晞跨鞍真似早朝歸飲釐夢惜紅螺小
霑賜心驚綵燕非沐罷為誰慚鏡鑷宴回容我從旌旗

東風若也勤披拂莫遣寒梅一點飛

送汪叔志推官解南安卻歸北上

江西窮徼刑書簡搜古曾聞到薜蘿府靜平分秋氣入
嶺高橫截瘴烟過百年禮樂斯為盛一士金湯不啻多
薇閣木天無跼步眼看朝右用殊科

送江彥清同知赴湘鄉

高蓋緹車駕道邊清風開路掃氛烟寧知太史浮湘意
不在重華守嶽篇嶺上麥岐將秀穎俎中蘭糈更芳鮮

彈琴祗坐凝香閣
楚老長謠處處傳

贈鄧道士遊京因簡虞少監

上得扁舟謝木蘭
好風容易插脩翰
言從闕下瞻佳氣
卻向山中養大丹
素女瑩篴彈不似
道家藏室到非難
若逢虞監譚玄麈
莫遣鈔詩筆暫乾

春盡日雨中宴坐次劉士幹憲史見貽之作

詩來慰我苦吟身
黃絹中間見受辛
合眼河山渾似夢
閉門風雨不知春
長疑野鵲聲無據
尚喜沙鷗意獨親

開到荼蘼花事減任渠流水洗芳塵

其二

世故紛紛萃一身直教調齊適甘辛淹留苦笋迎初夏
分付餘花作好春引睡欲拋書策去銷愁聊與酒杯親
詩成置我江西社兔苑梁園隔幾塵

初夏憶京城隣舍

石家院裏蒲萄館荆媪池邊芍藥廳倦劇擁書終日坐
醉來支枕片時醒主人並直飛龍衛鄰客誰開放鶴亭

萬里滄江雲一去欲將孤影寄伶俜

送南海蔡秀才北遊

誰剖明珠照寂寥更驚翡翠出蘭苕番禺都尉曾推引
魯國儒生早見招服馬兼行穿幾驛跼鵞回望隔全潮
九州八表俱承德幸邇天階奏象劄

送太樸往臨江謁德機應奉因而代簡

夫子高居百丈山四方學者望承顏今君獨往初聞道
昔我連栖屢扣關白壁成雙開縹緲黃金論鎡鑄刀鐔

端來定價咸陽市不換龍文與虎斑

送張明德使君赴南恩州

幾許炎州畫裏山西風驅向馬前看詩人舊志三刀喜
邊候新乘一障安時取柳漿斟玉液饒將桂蠹薦雕盤
雪花定比常年大燕寢香凝夜氣寒

追餞常大參至樵舍鎮飲別後夜宿舟中聽雨

七十里江沙水黃沿流送客舉離觴回舟併載別愁重
殘雨微生半夜涼欲與仙人騎竹杖時從老子據胡牀

懸情獨有南樓月白兔河邊正搥霜

作枯木醜石因題二詩遺李輔之檢校

憲光入筆吐晴虹我豈能侔造化功巨石長林開颯爽
尺綃寸楮破鴻濛古文篆籀雕鐫外楷法波戈點畫中
書畫本來同一物莫將視作馬牛風

其二

曾與深山木石俱故將句字寫成圖錦城黛色參天有
艮嶽竒峰拔地無槁面稜稜霜雪亞陰飈肅肅鬼神驅

諸房檢正文書簡清坐相看喚酪奴

觀發襄樊兵

漢水奔鯨觸浪腥東來羽檄急徵兵
禡牙已報舟師發克敵終資廟美成
豈有大橫歸代邸尚令烽火照咸京
堂堂七廟神靈主重整乾綱四海清

顧淵白架閣自吳中西來途次有詩紀詠和其韻
三首

過釣臺

萬疊山雲百尺臺清風招我首頻回粵從縹鳳沖霄去
不見殘鱗上釣來虹玉固為神所秘犧尊猶是木之灾
千年未辦生芻束自汲茶泉試壑雷

玉山道中

前林候館闢朱扉冰玉中涵壑谷暉曉日半溪搖水碧
晴雲連嶺曳山衣路逢俠客彎弧立市有仙人賣藥歸
少喜遊方今白髮吾謀無是不成非

至豫章

漸老年華富貴催碧油幢底豈低徊君方受牒當辰入
我實歌詩惜暮來玉樹風前臨皎潔雪峰天際倚崔嵬
相從未久還輕別歸及湖邊菡萏開

彭沖所贊府解歸廬陵贈別二首

臺府前臨勢業裁下寮趨走日奔波由來州縣勞人耳
奈此公卿慢士何白壁全歸猶有足朱絃獨奏遂成歌
真儒用世偏宜老借重于今將相科

其二

南昌巖邑簿書叢衆目睽睽兩耳聰奔走塵埃同一尉
牽聯論薦有諸公旁人不識操舟利此事真如斲鼻工
同客江城同解袂片雲回首各飛蓬

端午日泊舟信州城下陳行之推官袁仲野知事
攜酒饌勞予于挹翠亭上

信州城南江水流故人惜別暫維舟節中偶病不成飲
客裏逢歡却是愁地迳那容胡旋舞波回更作楚聲謳
三年三見戎葵色多事紅花照白頭

次衢州盧彥遠總管任仲安同知留宴平山堂上
慨想舊遊席間為賦

山如雉堞水如陴堂檻憑空直下窺指似雲鴻留迹處
看成遼鶴返家時使君延勞承終宴倦客追歡惜早衰
為向青霞仙者說吾遊未了一枰碁

杜真人遊仙詞

不佩將軍四士符溪山雲月共樓居膠西老叟初言治
河上仙翁晚著書夜擁笙簫游華洛曉飛劍履入衡廬

天根不是藏真處一粒神丹貯八虛

比聞尊獎藝文諸公陞華館閣原父首以遺逸起
武夷山中予雖淪棄于時亦題詩志喜

中天延閣寶圖開日致明堂杞梓材東觀比容參獻納
南冠今復與招徠毋多固守申公論第一休令靳尚猜
溝斷豈堪重刻飾分光猶得被蒿萊

寄太樸

玉樹瑤華不數人更從竹箭得蒼筠文章醞藉心無累

山水娛嬉筆有神喚起瞽矇陳曄緩洗空盆盎出清醇
兩雄豈敢當韓孟但喜龍雲入夢親

先公墓下作

霜露初零感慨新一盂麥飯百霑巾幾家朽骨成深鋤
四世清門祇舊貧瘦竹僅餘三尺筆喬松誰睨十輿薪
縣知簣土加封樹亦與麒麟迹併陳

送夏仲大主簿赴遂安

溪郭人家住翠微縣花春到小梅枝名門正以公侯大

高士何嫌簿領卑莫使塵埃侵鬢髮盡收山水入琴絲
囊中綵筆如犀劍早賦芙蓉幕下詩

雪夜夢薩玄卿

故恐梅華即是君一牀蝴蝶兩牀分為予誤讀中黃子
要爾偕升太素雲開笈取書銀字減隔簾呼酒玉簫聞
覺來不省誰同夢雪影翻窓似水文

太樸自臨川致書深悼德機之死於是復土一周
星矣

江右緘書昨寄將范家墳草又新霜即今已遠人間世
微爾誰宜地下郎祇有清詩傳警策更無真字發飄揚
天乎幸使山兒慧穠裘猶能卜歲穰

德機一子
山兒尚幼

水際見早梅題為漫興六首

玉人慰我色敷腴不用東風折簡呼澹泊非從言下得
孤高真恐俗間無唯詩標格差能似比雪容華少較殊
除卻西湖香影句祇饒霜月解臨摹

其二

金
夕
日
月
之
一
卷五
朔風晨夜振枯梢許可寒梅似我曹為惜濃香薰簡策
故留生色照蓬蒿道人半世絕火食烈士窮年秉節毛
未必花神專論物不令渠德配三高

其三

苦為江梅欠好歌更愁琢句損天和少留枯枿何妨醜
添著疎花果厭多折得故分春色在吹殘將奈角聲何
情知不是塵中物月地雲堦合重過

其四

斬新花發看垂垂作意東皇許探支見慣誰將欺朔雪
放遲吾自惜南枝小橋流水香微度澹月清霜影亂隨
頭白逢春狂未減興來落筆又成詩

其五

如此荒寒野水濱疎花冷蕊看橫陳歌翻玉樹多嫌俗
夢喚梨雲卻欠真半點不煩春刻畫一分猶藉雪精神
蠟團新萼雖同出未免韓公議小醇

其六

亭下松風細細吹翠禽驚夢立多時更幽更險春先到
半落半開人未知雪徑飄香纔覺近冰池寫影倒看奇
繁花留為先生壽頌略年芳莫較遲

俚俗夏秋之交集巫覡修神事率謂故常予去鄉
數十年而猶未之有改也作詩私誚其陋

村村歌舞月明中漫詭祈年有信通伐鼓擬金維近戲
捩豚燔黍幾嘗豐野巫豈識神靈意山鬼徒貪造化功
水旱在天何與爾澗毛自可薦民衷

浦陽十詠

仙華巖雪

縣北有仙華巖翠掌浮空雪景尤奇

冰柱浮空曉色蒙
海波搖動玉玲瓏
九清內景游氛外
五嶽真形太素中
微月升壇初映鶴
長雲連野不驚鴻
仙姬宴坐瑤池上
催捧蟠桃獻木公

白石湫雲

白石龍湫在縣東南能出雲為雨

白石靈山望贊皇
湫潭此復見蒼蒼
飄揚直欲陵三際
膚寸猶能雨八荒
空外金精縣太白
泉中虬影化長黃

傳芭奏罷神絃曲松蓋成陰澤氣涼

恒州贊皇縣有白石靈山漢碑在焉

龍峰孤塔

縣東龍峰古塔實為蒼龍左角

兩環日月似飛梭
鰲背稜稜窄堵坡
朱鳥前頭森巖巖
蒼龍左角見嵯峨
玉函舍利朝光現
珠斗闌干影過
浩劫浮雲開萬象
寶華雜遝散芬陀

寶掌冷泉

寶掌山唐千歲和尚道場有看經得道洞巖實出泉極甘寒

一勺曹溪未是甘
刺山容易出飛泉
消融太古岷峨雪
澄映中秋沆瀣天
掛樹青猿窺洗鉢
眠沙白鹿伴安禪

巖龕無縫身如石逆數高僧入定年

月泉春誦

縣西有泉隨月盈虧泉上精舍祠文公成公

有盈有泚即寒泉猶隔廬峰道里千嶽麓雲深藏策處
匡山人老讀書年松楠疊影青浮几華樹生香晚入筵
稽首堂中兩夫子六經言遠視如天

潮溪夜漁

去縣五十里溪流始大有魚蟹之產

溪水添流到石砭小家殘戶占漁商蛟龍未解垂雲氣
魚鱉安能避澤梁兩岸櫟林藏曲折一篝松火照微茫

淮夷固有蠙珠顆往往鉤深得夜光

南江夕照

南江橋西望原麓
返照如畫圖中

千峰不盡夕陽孤歛翠浮丹入畫圖塔廟傍連山影直
石梁中亘水痕枯白魚在汕將踰尺紅稻登場稍似珠
玉露金風秋最爽跳身何用市間壺

東嶺秋陰

縣東東山嶺平林
廣野秋常多陰

半里官橋出市闌一團秋色破孱顏雲開浩蕩初疑曙
日出蒼涼不見山斷雁殘鴻飛杳杳綠蕪紅葉映斑斑

去年菊藥今年發拾得籬邊句子還

深裏江源

浦陽江源出深裏山在縣西三十里

濫觴初不滿瓶盆百谷渾渾一壑吞自此安流輸渤澥
放渠高浪蹴崑崙出山未適帆檣便竭澤毋庸網罟繁
謝客題詩曾宿處孤雲落日是何村

謝惠連詩云晨發赤亭谷今宿浦陽

浦

昭靈仙迹

昔黃帝少女於仙華巖上升山下有昭靈廟水旱禱之輒應

芝掌中開顥氣清雲輶雙駕鳳凰翎因山不啓軒轅鼎

金石錄卷之五
五
化石猶聯婺女星磴道芳春琪樹長巖扉清晝碧華零
真仙帝遣司風雨喚起淵龍聽指令

送吳德謙入京省仲父玄教宗師因以為寄

珠斗闌千萬象中一陽靈氣擁飛龍凡民必至王畿止
有物同歸老氏宗天上文章周六典人間禮樂漢三廡
書生際會斯為盛莫戀青山五粒松

題項可立雙松圖

我家庭下有雙松絡石攬雲與此同閉戶時時聞落雪

援琴往往寫清風
神全省識蛟龍狀
墨守誰爭篆籀工
採藥天台能事在
故應添著負苓翁

與新甫允從會飲上清宮大室宮主鄭安節出宋
丞相鄭魏國公贈其師祖胡元靜先生詩魏公初
免相時也因次韻紀勝

登山腰脚暫輕便
占得湖光似剡川
內景樓臺初象帝
上清符篆別通天
雲深往往生朱草
水淨涓涓化碧蓮
歎息有人辭鼎鼎
幾曾無地寄修仙

送張國濟法師還龍虎山居

喚得青鸞備左驂
象巖歸路觸雲嵐
道門闕里華陽似
洞府神山玉笥參
到日碧桃纔爛漫
過時紫筍尚芳甘
相從共有烟霞癖
欲抱丹經借石龕

錢塘逢管彥清使君彥清黃人

黃州地入雲夢澤
管氏書傳海玉篇
茲地產材寧有種
是家累德固多賢
方聞畫戟閑兵衛
又報朱轡擁使旃
收取聲華上臺閣
玉班行近紫薇天

訪王宣慰金井山居即送廣東上任

白雲招我入松門促席欣承笑語溫岫幌巖扃慚勒駕
馬人龍戶望開藩一丘緩作經營計五管方依節制尊
儒者安邊良有策驚魚毋使水先渾

玄文館送張伯雨鍊師歸三茅

華林菌閣草菲菲千樹啼鵲喚客歸石上踞龜談未了
山中騎虎去如飛白雲冉冉浮芝蓋青雨疎疎灑葛衣
世外故多人物論一枝丹筆待君揮

用韻重送

海上盧敖汗漫期雨青雲白送將歸步隨玉女明星出
夢載神山左股飛迤徑常時多著屐深林五月未更衣
冷飈忽動三君下七尺冰絃信手揮

送秦裕之左司赴福建廉使

左闥丞郎地望嚴使華將指粵山南霜飛劍佩能清暑
雨入幃帷化作甘興學先時稱范甯寧民此事屬曹參
澄清一念存匡濟治泰方觀相度函

待制集卷五

欽定四庫全書薈要卷一萬六千四百三十七

集部

待制集卷六

元 柳貫 撰

律詩 七言

送胡允文赴邵武錄事兼簡汪國良使君

樵溪溪上萬山叢
迎路梅花雪色融
閩嶺此無青草瘴
叅軍今得紫髯翁
固應承事龔黃側
自可升明卓魯中
太守行春賓客從
錦囊新句益宜工

垂虹亭晚眺

山光自獻一螺青人立垂虹酒乍醒
兩界星河涵倒景千家樓閣載浮萍
欹檣側柁衝風勁密網疎罾刮浪腥
正為鱸魚忘世味隨方吾亦具苓箬

送魏宜夫運使赴閩中

用世寧無濟世才南圖羽翮為君開
大農經費資鹽策法從宗班領計臺
調鼎正須培相業歌薰兼復阜民財
七閩未必能專惠少待還持玉節來

廬陵曹士弘有致用之學而仕不大振死葬南陵
餘十年矣始見其子德川錢唐道世舊惘然乃追
為挽詩二章係諸誌銘卷後

平生素業讀書螢隕石人占是客星官譜窮鄉遊徼吏
師資沒齒太玄經誰誇貝錦新機緒我識龍文古鼎鉶
死寄江東一丘土魂歸楓岸雨青青

其二

談鋒吾及接而翁少日論交賴擊蒙觀物故知心係道

即戎猶寄劍為雄死生契濶飛鴻外今古興亡斷簡中
一為象賢悲宿草不禁衰涕落西風

送楊元誠庫使製紙事畢還京

江南貢楮擣霜餘舊品澄心未必如華玉光浮飛白几
琬戈欵著鏤金書尚方製作從時備使者恩榮有詔除
閣下逶迤承御宿幸因天語話畋漁

送徐周臣廉使除戶部尚書二首

召環初下戒行騶正為蒼生繫戚休星女重淹膚使節

地官新拜富民侯能令實塞豐儲峙即使謀廷緩顧憂
計相升庸徵故事傳宣還在鳳池頭

其二

樓風溪月送舟還畫棟飛雲杳莫攀丹穴生雛方應夢
朱衣引馬又催班屬聞振履星辰上私愧逃名藪澤間
祖道出隨扶杖叟囊空猶恨一錢慳

次韵魯參政觀潮二首

怒濤卷雪過樟亭人立西風酒旆青日轂行天淪左界

地機激水出東溟倒排山嶽窮千變闔闢雲雷竦百靈
望海樓頭追勝賞坐中賓客弁如星

其二

風陣先驅入坐間雪濤千疊湧如山太陰成魄清秋正
元氣流形大信還絳額青綃方戰罷素車白馬自神閒
歸墟咫尺蓬萊島落日將愁認髻鬟

送孫士元經歷赴越中

千里維藩應列星元僚初不異專城會稽竹箭東南美

幕府冰壺表裏清吏鞅豈容尊牘背俗塵何得汙廉旌
鄰州亦有柴桑叟日日和聽頌聲

因杜掾遷江東奉簡賈伯堅廉使時方自淮東轉
運移節宣城

白簡風生振鷺行十年身佩紫荷囊江東使節清霜府
天上詞華明月璫后土瓊花春寂寂敬亭雲樹曉蒼蒼
遙瞻謝李題詩處星象中縣執法光

次韻繼學廉使觀閱二首

轅門雲擁萬貔貅
繡斧臨戎許借籌
介馬凌風搖蹀躞
牙旗迎日映兜鍪
安邊正欲恢弘畧
論射尤當抗大侯
玉節歸來聽凱奏
碧蕪紅葉四山秋

其二

使華泣止將臺東
虎旅駢駢屬會同
旗上畫熊微裛露
手中白羽靜生風
選徒自昔誇成武
飲至常時勸有功
不試師干民樂業
雅歌揚厲合無窮

送陳彥正山長奉親赴柯山

昔徐涇畈常講太極
於是與紫陽殊旨

之官深入爛柯鄉高坐葵園舊講堂
邵氏三為文學掾
菑川重起孝廉郎
板輿行樂春猶早
萱艸忘憂日正長
大極一圖關道妙為開幽翳出朝光

夜行溪谷間梅花迎路香影離離可愛

暝投村徑繞羊腸
離立江梅似雁行
冷蘂微開初的皪
繁枝亂插更淒涼
蒼烟掛樹多疑夢
淡月窺林稍覺香
正為先生行役苦
故畱皴玉薦奚囊

游耆闍山寺因懷君采

馬影風吹度石梁松雲冉冉畫生涼俗塵不占清虛境
僧榻初投曲密房幾道飛泉添漲水半林殘雨漏斜陽
北山重憶栖霞侶新種芝苗若許長

王景文山長挽詞

以下第舉子
恩再任象山

鳳出丹山馬渥注明經青紫志非夸同升或已持英節
將老纔容坐絳紗魚上龍門遭點額鶴飛華表記還家
玉峯東去荒雲宿愁絕風吹鼓子花

送海漕府朱奏差押運北上

轉粟青天亦壯哉
漕船拂日過蓬萊
鉅橋倉實河陰似
漲海雲帆餉道開
濟險方觀鵬運息
薦賢還報鶚書來
橘包畱為南珍重
冰玉盈襟不染埃

東陽送周鎮撫易戍西還周喜作墨竹

綠波浮棹去
泔泔拔劍高歌日
又曛有客呼鷹方習武
何人冠鶚最知文
白鬚似我千莖少
墨竹饒君一派分
重有雙溪溪上約
揮絃同送北山雲

送李彥方廉訪移淮東二首

金
卷六
鵬鶚排空羽翼開南圖小息顧蓬萊又持玉節行淮去
却照金蓮入院來一扎遲將滋雨露百千且復避風雷
六經體用存匡濟杞梓需為構厦材

其二

玉堂人物錦袍仙按節溪城已二年典冊留為經世具
風謠攬入采詩權青冥斧鉞鞭龍雨明月樓臺放鶴天
千里淮山秋色裏夢魂隨度木蘭船

中秋待月不見却懷魯子翬學士時畱城

婺女城頭柝亂鳴二更起坐聽江聲為渠滿月當圓景
奈此浮雲點太清蓬鬢羞明寒燼落桂花養魄嫩涼生
去年官燭風簾夜對酒人今在玉京

作寒崖古木送侯伯弘總管還鎮

角聲吹徹小梅花棹發津亭日未斜此士材全如白壁
幾人年少擁高牙去從二峴携春色歸向雙溪攬物華
酒盡揮毫不成畫儘將生意寄枯槎

喜陳昭祖副使枉駕相遇

六絲按轡不驚塵肯顧荒寒野水濱今日繡衣能下賤
古來白屋諱言貧竹杯更進黃甘酒梅蘂初承皂蓋春
跬步平津知遠業故應容容吐車茵

元日漫題

五更祠竈禮神君豈望詩書更策勲老境逢春何足賴
醉鄉畱客強為欣支床自信龜能息充贄誰夸雉有文
兒輩莫須多識字祇教食力事耕耘

送錢子仁赴江山稅官

周制征商非網利漢官任子合為郎宦途所歷多夷險
財計於今重翕張牛馬同風聯畛域豚魚收稅析毫芒
舊遊蹤跡依稀在閒倚東風問海棠

送聞夢吉赴處州學錄

婺女相望處士州起家庠校亦英游師嚴正以明經重
官冷何妨賦祿優已信曾參能養勇無憂李廣不封侯
鄉扮夙學須名世兒子吾當放一頭

寒食山居

歲月無情日變遷
惜春留得酒家錢
梨花小雨驚寒食
楊柳東風似去年
志士屬當躬井臼
善人誰為表原田
老來撫節偏多感
何必雲安有杜鵑

新開徑成

紫荊稱去聲是野人家
一徑通村靜不譁
白水塍邊種楊

柳青山影裏拾松花
歌詩樂有諸生席
掃軌知無過客車
傲兀東風三十日
祇將閒寂對芳華

揚忠襄祠堂詩祠在秣陵為其五世孫拱辰作

漢朝陵墓珠襦出蜀相祠堂碧草生
繼世猶當蒙祭澤
中天不復降炎精
封疆一死光晶在
翁仲無言淚點傾
卞氏血衣應未化
神歸同睨石頭城

晉卞壺亦以死節有祠於昇

元日與吳行可照磨對酒行可自嶺南歸以枕榔杖為貺

膝下兒童調笑頻
喳喳簷鵲報清晨
山堂宿火溫來酒
嶺嶠歸人到目春
萍梗漂流心尚在
梅花錯莫意尤真
手中新得扶衰杖
掛壁蒼龍看躍鱗

送宋可與考滿赴銓其尊人嘗為婺府推官致仕

家居

此邦人識使君賢之子重來泛幕蓮致治時方尊六察
升明行且問三銓先鳴鸚鵡何傷莫徑度驂騑已覺前
收取榮名承色養繡衣華髮映春妍

送陳昭祖憲副移江西二首

越東麾節有青氊祖笏甘棠已再傳豈獨垂光聯景緯
更能沛澤作豐年溪風轉枕催郵傳嶺瘴分疆避使旃

牛斗垣邊瞻寶氣升班還近紫微天

其二

繡府旋聞玉節更楚山青似越山青神鋒已合豐城劍
鼂采猶連婺女星禮樂光華無絕遠春秋制作有常經
莫令仲舉齋中榻慨想他年孺子亭

秋雨中喜宋景濂見過

躡屐能來破薛封相看玄葆映霜蓬吾衰未免車嘗北
子銳其如易已東水碧金膏資獨異澗毛山實歲宜豐

過林倘肯頻行轍剪燭猶堪語夜終

望聖壽山寄千巖道者

此道初何繫等差人心自爾有開遮
虛空浩浩歸圓果樓閣重重現雜華
誰障溪流涵白月儘容壑谷貯丹霞
軒然一見青山色遙隔松雲問煮茶

得晉卿博士自京寄書道左轄王公
叅議韓公存省顧問之意

朔雪乾時一鴈征遙傳書札到柴荆
自投瘠土從耕牧

幾辱平津問姓名白月寥寥虛近映青山寂寂動餘榮
果然不負丹砂諾熏校吾將謝墨卿

遊五洩山四首

山界杭婺越三州境本隸婺割入越暨馬祖弟子靈默栖禪之地故

為應乾禪院今榜三學院叢林法社銷落盡矣五湫神龍所居歲旱迎湫水乞靈多應者

神斧誰初鑿澗磻拓開地險出天慳湫潭隱奧龍非畜
木石陰森鬼所褫劫火塵空遺井臼枯禪骨冷墮榛菅
如何大法臨標季不放摩尼照此山

中巖不與亂峯羣翠氣橫飄截瘴氛龍象淒涼如欲泣

馬駒蹴踏竟無聞濃嵐散落崖間雨洩水流來石上雲
人說早年呼蜥蜴投符起蟄有靈文

青天吹墮玉芙蓉日出烟開彩翠重婺女名山今入越
泐潭弟子別為宗於何勝境偏多阻如此衰年始一逢
照影龍泓余種種欲從老衲借枝筇

橫約纔通一徑修萬山湧翠似騰虬五湫地壓三州勝
八十僧從七客遊赤日行空垂倒景青天圻嶂拔飛流
大烹慚負詩人腹賴有梅花肯障羞

立夫見和五洩四詩復自次韵

下巖湫水有龍蟠雲雨虛空尺地慳九市塵埃渾拔俗
五天仙聖本同寰毛羣鼯狔栖篁竹土怪夔魑伏草菅
不是深禪能伏猛泉頭爭得虎跑山

象王不與鹿麋羣四合林巒限楚氛天女散花三際滿
龍神執樂半空聞巖霏咫尺生青靄井氣尋常化白雲
盧老孫枝皆鈍漢契經佛說固彌文

龍仙招我集芙蓉霧點烟霏隔數重東土祖師曾授記

南條山水亦朝宗自從控鯉波間去直到看羊海上逢
探穴如將尋李白孤生桃竹瘦宜筇

梅花的的證圓修挾以蒼松萬玉虬天姥沃州圖上見
廬山瀑布夢中遊雲開鐵壁浮空出水落銀河伏地流
亦欲清齋來應供恐煩龍伯致盤羞

送暨陽胡生北遊

雪行已辦黑貂裘迎路梅花笑點頭待詔門深金作馬
臨河地壯鐵為牛有人遂識新豐客何處能忘太史遊

天上應龍乘變化文章精氣與之侔

初霽望金華山雪

沍陰巖谷變晶熒凍裂仙家月石屏雲影渾淪涵太素
天光搖曳倒空青波心雙捧金人劍霞際橫驅玉女輶
皓鶴不來詩夢破鮮飈吹袂酒初醒

鄉友鄭順卿以九世同居請文樹碑

復戶旌門繫政機仁根義葉發重徽青瑤刻字標門表
彤筆登名重布衣奕奕恩榮增世美繩繩孝弟保家肥

蕪辭豈足鋪鴻偉看取芝蘭引夕緋

陳新甫太祝乘傳過蘭溪枉道訪予山中留再宿
別去薄言賦贈

惜別相過問草萊又隨雲影動高桅幾人能顧鵷行舊
百里親持虎節來臺閣光華非絕遠江湖襟抱得重開
中天浩蕩金莖露付與文園作賦才

贈談命周生

八卦盪摩滋物始五行象類係天成下簾且試君平隱

布筭誰如洛下精
擊水三千鵝更徙
纏腰十萬鶴將征
請看金馬門前路
曳組影纓盡俊英

游上龍山

滿谷天風草木薰
入林朝采爛成文
危峯剝削蓮花出
細水灣洄瓜蔓分
散落巖霏時作雨
飄來松靄即為雲
毒龍猶避安禪窟
未必夔魑敢亂羣

會稽懷古

湖波皎鏡浸青蘋
潮落西陵渡口春
地下珠襦誰拾塊

人間玉筵久成塵
夾舟蛟劍神先化
掇鼎龍文字既泯
留得冬青啼杜宇
并分淚血染湘筠

過賈相故第

再貶循州團練副使死漳南

恨滿龍驤江上舟
可容副使老循州
高冠誰上麒麟閣
斷礎猶名燕子樓
洛下啼鵲慚相業
遼東歸鶴詫仙遊
異時不藉公田策
安得吳航駕海流

送通藏主歸天童坐夏

通東平人

玲瓏巖下草纖纖
新作蕭齋不用苔
大藏何如中藏密

南宗爭似北宗嚴
龕前白月隨方證
塵上閒雲信手拈
長夏天厨供套食
未饒蔬筍十分甜

暨西清潭金氏翁
登年九十身猶樂
康因其外孫戴叔
能從予遊學數命
來求詩今歲莫告
歸乃為作此使具
清酒一壺即是初
正歌以上壽翁生
開慶間越嘗有特
恩賜高年爵帛

潔觴羞耆樂如何
莫恨家無金叵羅
古禮三千常委曲
遺黎九十尚婆娑
尋源且識桃花岸
過廟誰為麥秀歌

潭影如雲山似玉未妨畱眼閱人多

溪上浮雲日變遷松身鶴骨鍊形堅名登越暨升州籍
耳接錢塘錫慶年有待期願臻上壽言從耄老得真筌
全家百甕行春酒會極光中福似川

偶題二首

國枋顓歸執法家扶持憑藉匪由他鷗鴉自是當東嚼
獬豸本來能觸邪道上民言何太訐世間公論豈容賒
一人貪讓可移俗激濁深知帝力加

地中海產東南富利孔開端自筭商嚮嚮固嘗垂甲令
征輸何復計丁黃即今黔首為生感翻羨青苗用法良
馬范諸賢如可作可能無策救扶傷

拗律 七言

晨度居庸至南關門

雲梯忽斷山峻平霽霧初褰林嶺明兩都扼喉南北鎮
九州通道東西行巔崖巨石擎佛屋壁門遺築開軍城
當時若說天下險一卒前臨強萬兵

宋徽宗書瓊蘭殿壁山記

神霄第一慶雲峯下瞰壁海交流中陽揮騰上淑景殿
虹氣畧過高光宮羽衣婀娜飄白月鴻筆宛委揚清風
雖然不及瑤池宴歌罷祈招意已同

燕貴溪風圖

開圖却憶鏡中行層青疊翠遙相迎冠山樓閣疑太重
隔崦雲霞欣暫明千帆已過孤鳥沒萬籟不驚雙管鳴
藝文一代審所尚燕貴固足爭能名

黃宗道播州楊儀娘獨騎圖

蓬蓬玄葆躔朱帔陽臺無夢無行雲轡銜雙控馬頭赤
橐鞬右屬豹尾文宮中誰嚴婦人隊河外皆稱娘子軍
不憂兵氣不能振世有他揚人得聞

王振鵬金明池錦標圖

宋崇寧間三月三日開放
金明池出錦標與萬民同

樂事見
夢華錄

金明池上水如空矯矯龍舟乘旋風忽看碣極百戲出
似與阿房萬戶通青春仗衛夾城內白日樓臺橫吹中

東都天子方醺樂欲致秦皇漢武功

孫節婦詩

婦人既嫁不易事蹇蹇當與臣節同貞居固欲重民義
信誓自可與王風已看華表照閭閻更借彤管書容功
孫曾酌醴日羞耆諼草在背顏浮紅

題陳直卿雲山圖

道路黃塵一丈深眼明畫裏見雲林谷虛滿貯山澤氣
徑險前臨厓石陰武夷流水八九曲少室危峯千萬尋

憑誰寫入醉翁操我有太古瑤華琴

送文著作奉御帛往鄂省即賜南交貢吏

鎖郎跨馬插吳鉤使華寒動漢江秋
褚衣傳賜大長老
昧首道列東諸侯由來誦詩合專對
豈以紬史忘周遊
南交自古亦封域往致聖德深懷柔

題虞博士作玄又玄齋銘銘為吳玄初法師作

老莊之學由天成大知小知無營營百嘉於此亦交鬯
衆籥自然同一聲可能貧病色憎腫不愧微妙神微明

玄中有物本諸易我將退密觀其生

過英仲學泉軒觀李營丘長林巨石圖翫賞久之
作此貽英仲

長松十尺能崛竒氣與高厚相撐支藤梢卷雨鐵繩壯
巖石畱雲龍鬣鼠披人疑巨筆能致物我見虛室常驚颶
營丘已矣得此幅何乃蛻骨存其皮

王長卿檢校將北歸作古木幽篁一幅贈別自繫
長句

十尺枯槎百尺筵驅向毫端發性靈昌條冶葉外婆媚
瘦筋勁骨中儀刑裁將嶰谷伶倫管移下天津析木星
酒闌拈與君為別畱眼相看似此青

強振之招遊梁山新築別業即賦

秦少游墓在西

明靈觀後惠山前新營堂館貯風煙藤陰不蔽淮海墓
茶井遙分桑苧泉好景正須多領畧佳辰且復少流連
劉伶一鍾太早計却要冥靈受大年

八月十七夜半後看月

錢塘城東潮海西四更月上寒淒淒太陰垂精金氣盛
列宿藏景珠繩低鐘鼓沈沈尚傳警羽毛謾謾屢驚栖
蟾蜍初不隔風雨誰其翼我凌丹梯

寄廣陵陳新甫侍儀

跋馬望君君未來誰共錢塘雪色醅言從外臣受寶訣
不與朝士通銀臺千重雲海蓬萊出十里揚州芍藥開
何嘗六合無泥滓鴈鵠垂天亦壯哉

贈相墓人余生

春盡千林響杜鵑過門贈子遠遊篇
呂鑿山人不在貌
郭璞葬書宜有傳九州莽莽載神氣
八卦章章行化權
為誰卜兆得龍耳雙眼高縣水鏡銓

題極元所藏魯公君謨帖

極元南湖主僧
羅雲南湖堂名

論書貴神不貴似顏蔡一源同出
蟠虎卧龍跳氣深穩
金春玉應聲諧和蘭亭妙趣端有證
石鼓大篆知無訛
羅雲堂中寶書窟帝網褰開明月多

久不與子長交問今日初寒讀向所
示文清諫事

篇慨今感往并賦憶別

縱子不即寧無書文園多病比何如古人千里有命駕
今我經年成索居希聲久闕清廟瑟蜚口并失菖蒲菹
百家貿亂斯道軋獨賴高文時起予

端嘉以來國漸傾徐公常繫時重輕宗周既隕言益驗
先漢無成禍實萌子房季札猶不死孝章孔融宜有名
偉茲傳信東史例三歎前賢畏後生

題關仝平橋行旅圖

關仝畫用神屠手善刀一割無全牛元氣何年始磔裂
青天半壁尚分畱藤梢松骨鎖紐壯蟲篆烏章形體道
不觀盆盎古壘洗前人制作吾焉求

絕句

七言

夜過高郵有感二首先子在宋嘗授是邑今未赴
而內附

堂上嚴親已夜臺除官未赴北風回可能不有朝歌感
今日經過重一哀

其二

高沙湖裏明珠顥
簾弄寒光久寂寥
不見揮毫舊時客
月中露濕木蘭橈

自宗正府西移居尚食局後雜書五絕句

都城一住一年餘
挈挈今朝更徙居
奴輩莫嫌家具少
篋中猶是借來書

其二

官河兩岸水鱗鱗
倚著誰憐一士貧
欲學成都百錢卜

支床龜殼未能神

其三

鏡裏初時見白須
鐫除便欲去根株
如今畱得星星影
消向人間喚老夫

其四

未明車馬省門開
面面風霜一寸埃
借得小牕容我懶
五更高枕聽春雷

其五

南隣席公西馬卿高冠豸角已青冥莫云相失三里遠
躡屐端來談五經

河中府常歲大旱民康擬實導其府知事張君徒
行百餘里請水雷公洞澍雨隨至遂以有秋延祐
七年余觀國子學諸生魏讓道擬事乞余賦詩余
上世自蒲徙南亦邦人也作三絕句以詠歌之

雷公洞裏取神泉喚起乖龍不用鞭旗脚未收三尺雨
始知眞宰有微權

其二

蒲中千里古提封
生齒磬磬仰歲豐
一雨端由誰所致
太空冥漠不言功

其三

河東吾土首山陽
夢裏時時問故鄉
今日商歌歌喜雨
晉風猶合本陶唐

灤水秋風詞四首

西府林鞍如割鐵
東涼亭酒似流酥
福威玉食有操柄

世祖建邦天造圖

其二

朔方寶憲留屯處上郡蒙恬統治年今日隨龍看雲氣
八方同宇正熙然

其三

朶樓清曉嘗祠罷梧殿新秋曲宴回御帛功由寒女出
分頒恩自九天來

其四

西風初吹白海水落日正見黑山雲
旛廬小泊成部署
沙馬野駝連數羣

後灤水秋風詞四首

磧中十里號五里道上千車聯萬車
東賁西琛通朔漠
九州四海會同初

其二

界墻窪尾砂如雪灤河觜頭風捲空
泰和未必全盛日
幾驛雲州避暑宮

其三

旋捲木皮斟醴酪半籠羔帽敵風砂丈夫射獵婦當御
水草肥甘行處家

其四

山郵納客供次舍土屋迎寒催堽藏砂頭磨菇一寸厚
雨過牛童提滿筐

題立仗馬圖

玉立彤墀氣尚麤食殘芻豆更何須太平未必閒無用

一幅君王納諫圖

代簡以南醞一壺遺繼學待制繼學在北都嘗賦
柳枝竹枝詞各五首

歌罷竹枝歌柳枝榆關雲月巧追隨麴生雅有江南思
欲寫清音到處吹

題宋徽宗梅雀圖

雙雀飛來曉色勻宮梅如雪鬪清新
紆干山下他年見青鳥司花不是春

題宋徽宗扇面

瑤池池上萬芙蓉孔雀聽經水殿虛扇影已隨鸞影去
輕紈畱得瘦金書

題宋徽宗獻壽桃核圖

青鳥銜書昨夜來蟠桃如斗核如杯蓬萊殿上三千壽
不及春風夢已回

題金顯宗墨竹

海潤星輝大定年生綃筆筆寫蒼烟若為夢裏篴簫谷

直到洋州雪筏邊

題蕭照江山圖

荻浦楓林宿暮烟夕陽收盡月浮灣
騷人一曲江南思彈徹箏篴送鴈還

題李藻河梁泣別圖

風吹大漠朔雲飛兩鵠摧頽一鵠歸
便使節毛零落盡葵心終不負朝暉

題錢舜舉禾鼠圖

華黍如雲兆歲功尚嫌鼠穴未能空今朝試舉迎貓祭
直想西成八蜡通

題釋迦出山圖

耳輪卓朔髮垂肩碧眼初開濯淨蓮優塞波王先頂禮
明星一點正當天

題窠石海狗圖

越犬初隨賈舶來閒階弄影小低徊花陰滿地濃如雪
解下金鈴不用猜

題海潮圖

巨魚吞吐不知勞
千古靈胥氣尚豪
夜半西風槎信到
銀蟾初掛海門高

題牧羊圖

毼毛成毳酪成漿
沙水分流草滿場
說是老羝人立處
金華山下茯苓香

題睡猫圖

花陰閒卧小於菟
堂上氍毹錦繡鋪
放下珠簾春不管

隔籠鸚鵡喚狸奴

題折枝海棠圖

東風庭院紫絲香
翠碧飛來午影長
啼濕紅粧看不厭
祇疑春色在昭陽

月中度居庸

光斜參半月臨關
偏塞青山霧露間
行向小橋看影過
冰霜刻畫太堅頑

其二

六馬闐闐廿四蹄行穿澗道石東西嵐光忽破天光出
正北諸峯直下低

荆門

荆門西抵李開務一閘兩閘初放程南風鬪水不容纜
明日新霜占曉晴

其二

河塘底裏通涵管宣泄堤防計未迂大抵成功搖末議

却將失得較錨鉅

張子仁為都水監丞日作涵管疏泄積潦一時以為便而今或有非之者

其三

誰初種此萬株柳欲與行人作夏涼
竟使薪樵入官簿
秋風顏色正凋傷

夾港守凍

九月除官十月歸冰河遄及膠舟時
江南地氣迎人冷
要我梅花別後詩

其二

過江數日看西湖猶說丹陽酒未沽
兩岸冰花舟一葉

畫成北客采詩圖

其三

夢裏曾聞采玉河
人間信有襪凌波
憑誰一蹴瓊瑤破
奈此山陰雪興何

題日觀畫蒲萄

昔有狂僧字仲言
酣嬉坐證法華門
探淵却值乖龍睡
摘得驪珠口口吞

北山招隱詞四首題李卿月小隱圖

烟雲奇彩稜稜見
水木高齋面面開
畫裏青山雖甚似
夢中玄鶴幾曾來

其二

拼攔布葉尋常大
畧約通溪取次斜
誰送茶烟來北嶺
却畱梅月在東家

其三

徂歲蒼松驚出屋
度秋黃葉看成堆
賴憑故篋書千軸
領取虛名水一杯

其四

此圖盈尺山論文何處看雲水似空幸自冰壺堪作傳
莫憂瑤草未生叢

洪州歌

豫章城西江上舟船翁夾舵起紅樓官鹽法茗有饒乏
市利商功無筭籌

其二

舊坊馬鬣誤驚眠新水魚來聽賣鮮說說閒曹無一事

閤前小吏送餐錢

其三

厭原山上雲封頂
谷鹿洲前水作紋
老向江城收物色
洪崖仙子舊知聞

其四

騰騰寶氣貫天中
一劍西飛一劍東
化作城南鎖蛟柱
人言下有支祈宮

其五

東湖水滿葑雲開掠取烟光雨色來未放官絲興畚鍤
且從魚樂占池臺

其六

黃砂素礫漫江干黑風白浪開檣難聞道雨時水橫溢
數尺不上昌門端

其七

相國臨邊節制高春城小隊簇旗旄日開南粵無拒命
翡翠生犀數貢毛

其八

秋屏閣上看西山每到須拚薄暮還豈有珠璣資簸弄
祇教塵土羨蕭閒

其九

萋蒿鮮滑勝雞蘇滿尺河豚玉作膚漫說江鄉美庖傳
幾曾風味似尊鱸

其十

諸使官名小字題石幢今在驛垣西當時得託大手筆

岐陽十鼓與之齊

其十一

賣屨山翁歸未歸
洲南十日侯荆扉
白鷗知爾不俛啄
黃鵠去人當一飛

其十二

圃塍新雨得春多
幾箇閒人載酒過
夾徑金沙編作障
懸根翠栢種成窠

其十三

女兒頭戴角冠歌
筍葉垂垂顰鬢齊
十里來城肩擔重
新晴菜把賤如泥

其十四

舊開雙井團茶美
近愛麻姑乳酒香
不到洪都領佳絕
吟詩眞負九回腸

其十五

中男十五學棹謳
大男前年能競舟
辦作神筵賽寒食
併將犀炬照潛蚪

次韻奉答德機冬日見寄

雪滿千山雲滿溪
半竿寒日稍平西
東風不為年芳地
錯莫江梅吐未齊

其二

鷓鴣大杓勝舒州
欲挽春江水倒流
聞得桂香無鼻孔
采詩真負豫章游

其三

霜水添流入小江
天書誰致鯉魚雙
松風正繞烹茶鼎

蘿月斜窺點易窓

其四

歸來重理溪西田
小結茅堂野水邊
天上函書催子節
先春當買繫籬船

題王子質家青山白雲圖

畫裏看山段段奇
山人況復有清詩
白雲去逐孤飛鶴
舊笛淒涼莫更吹

題明皇按樂圖

開元天子樂當陽手按琵琶引鳳凰曲譜纔翻新玉笛
淚痕還滴舊香囊

題王若水為仙都宮主趙虛一畫蒼崖古木圖

金門羽客住仙都玉立蒼宮五大夫微月滿空笙鶴下
一林秋影散龍胡

題太玄天師畫升龍圖

博大真人衡氣機硯池傾倒墨龍飛風風雨雨成功後
却蛻升形上袞衣

題松雪翁畫杜陵小像

一代詩材飯顓山國風雅頌可追還秦州行色湖州畫
四海新愁儼在顏

題薛朝陽畫扇

松雲如蓋沐微涼半嶺風回澗谷長手把丹經蓮葉上
舉頭紅日見扶桑

題鄭伯元經歷家四景圖

花香柳影弄輕柔簇騎沙頭喚小舟啼鴉聲中流水急

故須秉燭繼清游

其二

長松如幄蔭清溪
溪上飛樓不用梯
對奕者誰吾識汝
儻中日月兩醺雞

其三

白雲黃葉掃成堆
誰戀林中濁酒杯
流水自流山自在
揮絃送鶴幾時回

其四

殘雪空林掛夕陽
小橋流水數家藏
山人受用饒風味
芋火溫溫酒似湯

訪坦溪葉審言主簿畱止宿明日千之要山行瞻
禮西巖石佛鐵應真像追省舊遊賦絕句五首

精鐵初誰像應真更令巖石化金身
天龍自是當加護
灰劫知他隔幾塵

其二

巖龕古像剥青紅
山木蕭蕭殿影中
若也莊嚴能不朽

是將智力鬪虛空

其三

石路無泥野色開
二三童仆亦從來
舊游如夢秋如水
莫遣山靈勒駕回

其四

主簿歸來樂澗槃
相過纔得奉清歡
圖書秘奧方頻啓
樓閣重門更一彈

其五

石佛巖南有竹家百年大采似朝霞為予肯蠟游山屐
同倚西風問菊花

題制置王霆家所藏宋穆陵戒諭邊帥御札二首
衛公故物大皇誥珍重孫曾綠錦囊百歲蓬萊既清淺
一封御札淚千行

其二

長江天塹重邊防備禦尤資閫寄良國勢雖然淪叔末
訓辭猶足示安強

題壽皇御題淳熙宮畫牡丹扇面

劍南樵客寫花容
院畫流傳號國工
春壓玉蘭江雨歇
彩鸞驚夢又成空

其二

天香國艷豈堪描
生色誰將上尺綃
畱得當時宮墨在
杜鵑啼處雨蕭蕭

題息齋墨竹

李侯筆下翠琅玕
着處清風起畫寒
繭紙蘭亭誰絕識

祇將玉匣詫人看

題宣和御畫鵲

瓊蘭宴幸撫盈成粉墨區區寫物精
天上移來鵲首次人間畱得紇千名

行界牌源道次小憩民舍

小谷疎林受數家年芳猶有刺桐花
白雲不為青山地截斷前峯兩髻丫

其二

卷桐為角寫烏烏吹斷行雲日未晡雅鄭亡來寧有譜
南音何得更函胡

題理宗御書賜盧允升扇面

尺素題詩賜巨璫一時恩倖詫荒王儀廷鳳去尋常事
又為東周引恨長

鄉友趙用章自廬山來訪作仙華曉霽圖贈之并
題一絕句

看徹匡廬五老峯雲松點點故山同似人寫出仙華面

欽定四庫全書


卷六

分付歸鴻與晚風

待制集卷六

謹案卷五第三頁前二行錫喇鄂爾多舊作失刺
幹耳朵今改後倣此 前五行咱馬舊作灑馬
今改 後三行賽音布拉克舊作散不刺今改
七頁前三行錫巴爾圖舊作失八兒禿今改





總校官庶吉士臣張能照

校對官編修臣楊壽楠

膳錄監生臣莫漢

膳錄監生臣喻泰階